



● EDITORIAL ● RAL VENGTU ● CHHUNGKAW CHANCHIN

- ✦ Synod-in Missionary 147 a la thar
- ✦ Synod House Style leh Mizo Synod Fonts
- ✦ KTP Jubilee Zai-pawl Pui
- ✦ Synod Revival Speaker lâk thar an ni

RNI 68092/83 Regn. No. N.E. 1024

From

Synod Literature & Publication Board

Synod Office, Aizawl - 796 001,

Mizoram. Phone - 0389-2324590

SYNOD *Newsletter*

Volume XXVII

No. 362

E-mail : synodnews@gmail.com

NOVEMBER, 2013

MIZO PASTOR NEMNGHEH KUM 100 TLIN LAWMNA

Mizo Pastor nemngheh kum 100 tlin lawmna hun chu Ocotber 27, 2013 (Pathianni) khân Mission Vêng Kohhranin an hmang. Mizo Pastor nemngheh centenary hi Pastor Chhuahkhama nemngheh a nih kum, 1913 aṭanga chhû a ni a, Mizoten Pastor kan neih hmasak ber a nih avâng leh Mizo Pastoral Ministry inṭanna a nih angin lawm a ni.



PASTOR CHHUAHKHAMA

Mizo zînga Pastor nemngheh hmasak ber, Pastor Chhuahkhama hi kum 1885 khân Pâwihbâwiha khua Phailêng East-ah a piang a, a pa chu Parova a ni a, pasalṭha leh ramvachal a ni. A nu chu Hmârlûti a ni. A naupan laiin khaw parukah an pêm kual a, a pa hi Mizo sakhaw puithiam a ni a, a pa hian puithiam ni tûra a zirtîr laiin Aizâwlah sikul a kal a, Kristianah a inpe zui ta a.

Sawrkâr hna a thawh hnuin hun puma rawngbâwl tûrin a

inpe a, Cherra-ah Pathian thu a zir a; a zir zawhin Presbytery Inkhâmpui, October 12, 1913-ah Mission Vêng Kohhran Biak Inah Pastor atân nemngheh a ni a; Mizo zînga Pastor nemngheh hmasak ber a ni. Aijal (Aizâwl)-a awm tûr tih a ni a, kum 37 lai Pastor hna thawkin February 16, 1949 (Nilaini) zân dâr 10:00-ah a thi a; Mission Vêng Biak In kawth phûm a ni.

Mizo Pastor nemngheh kum 100-na (centenary) lawm chungchângah hian Mission Vêng Kohhran chuan Synod-in lawm a tum leh tum loh a ngaichâng hmasa a, Synod-in a lawmna hranpa an siam dâwn loh avângin a ngaihtuatu tûr Committee dinin hma lâk ngâl a ni a. Rev. Chhuahkhama hi ram pum huapa Mizo Pastor hmasa ber a nih rualin Mission Vêng mi leh sa leh Bialtu Mizo Pastor hmasa ber leh ṭang rei ber (March 1915- February 1949) a ni baw k a, ram pum huap thil a nihna lai awm mah se, a lawmna chu Kohhran malah hman a ni ta a; Synod hotute leh Mizoram Synod Choir te, Mission Vêng Bial lo vawng tawh Pastor-te leh an chhûngte sâwm an ni.

He centenary lawmna hi hun li-ah ṭhen a ni a, hetiang hian – chawhnu dâr 1:30-ah Pathian biak inkhâwm; inkhâwm bânah ‘Centenary Lungphêk’ hawna; inkawm hona leh lehkhabu tlângzarh; zân dâr 7:00-ah Pathian biak inkhâwm.

www.mizoramsynod.org

Pathianni chawhnu inkhâwm hi Mizo Pastor Nemngheh Centenary Committee Chairman Rev. H. Remthangan a kaihrui a, Committee Secretary Upa R. Lalmalsâwman report a pe a, Upa L.N. Tuangan lâwmthu sawi ṭawngṭaina hun a hmang a, Upa Lal Thlenglian Mission Vêng Bialtu Pastor-te hnênah ngaihhlutna thilpêk a hlân a, Synod Choir an zai a, Rev. Lalramliana Pachau, Synod Moderator-in thuchah a sawi a. Inkhâwm bânah Kohhran Hall kawth Centenary Lungphêk hawna Inkhâwm buatsaih leh a ni a, Upa Tâwnêngan kaihruiin Synod Moderator-in Mizo Pastor Nemngheh Centenary Lungphêk a hawng a, Upa C. Hualkûngan Kohhran Upa Nemngheh Centenary (1912 -2012) Lungphêk a hawng baw k.

Lungphêk hawna Inkhâwm zawhah hian inkawm hona leh centenary lawmna puala lehkhabu buatsaih, ‘Berampu’ tlângzarh inkhâwm Kohhran Hall-ah hman zui a ni a, Upa Zonunmawian a kaihrui a, Upa C. Lalduhawman lehkhabu chanchin report a pe a, Rev. Lalnghinglova’n lehkhabu hi a tlângzarh a ni. Inkawm hona hunah hian a duh apiang tân thusawina hun hawn a ni a, Mission Vêng Bial lo vawng tawh, Rev. Lalngûrauva Râltê, Rev. Lalsâwma, Rev. C. Vanlalhruaia, Rev. K. Lungmuana, Rev. Dr. Zaihmingthanga, Rev. Lalrinawma, Rev. J. Lalremsiama leh Upa C. Hualkûnga ten thu tawi an sawi a, hun hlimawm tak leh khamawm loh tak hman a ni a, Rev. Rokhûman malsâwmnain a ṭin.

Zân dâr 7:00 Inkhâwm chu Bialtu Pastor Rev. H. Lalrinmawian a kaihrui a, Mission Veng Bial Zai-pawl leh Mission Vêng Kohhran Zai-pawl-in hla an rem a, Executive Secretary Rev. Lalzuithangan thuchah a sawi. Mizo Pastor nemngheh centenary lawmnaah hian Mission Vêng Bial lo vawng tawh Pastor la dam pariat – Rev. Lalngûrauva Râltê, Rev. Lalsâwma, Rev. Lalpianga, Rev. C. Vanlalhruaia, Rev. K. Lungmuana, Rev. Dr. Zaihmingthanga, Rev. Lalrinawma leh Rev. J. Lalremsiama an tel thei a; Pastor, chatuan ram pan tawhte leh rokhawlhna avânga lo kal thei lote pawh an aiawhin an chhûngte ṭhahnem tak an lo tel thei a, anmahni pual hian chawhlui buatsaih a ni a, chhûn leh zân Inkhâwm bânah thingpui ruai tui tak buatsaih a ni baw k.

Thu lakna: Upa Zonunmawia, Mission Veng, Aizawl

SYNOD Newsletter

EDITORIAL STAFF

Rev. K. Lalpiangthara (LPT)

Rev. Thangzauva (TZ)

Upa H. Ronghaka (HR)

Upa Khawlungnunga (KCN)

Editorial

KOHRAN LEH RUALAWHNA

Khawvêlin hma a sâwn mêk lai hian kohhran pawhin kawng hrang hrangah hma a sâwn ve zêl a. A tha mai ni lovin - a mawi, a ring, a nalh leh changkâng duhna pawhin kohhranah hmun a khwar tan ve mêk emaw tih tûr a ni ta. Biak In neih that te, Hall neih that te, light & sound leh hmanraw changkâng neih that te hi a that viau rualin fîmkhurna tûr kan nei tan ta niin a lang.

Kohhran thenkhat Pathian ram pêk dânte hi ngaihtuah zui tham a awm ta! Pathian ram aia Tualchhûng leh Building lama thahnemngaihna thli a tleh tan mêk a ni em aw? Kan Synod hrutute leh kan sum vawn dân buin min kaihhrui dân lam aiin tute kohhran tih dân emaw hian kan rilru a kaihruai thui ta lutuk deuh a ni em? Tualchhûng kohhran tinte hian inen lêt kan ngai ta khawp mai. Synod sum aia Tualchhûng leh building lama thahnemngai tûr Kohhran mipuia campaign kan chîngte pawh hi sim ila. Hawh u, kohhran tinte i inen fiah ang u.

DOCTOR HNA RUAK

A hnuaia târ lan ang hian Synod Hospital, Durtlang-ah Doctor hna a ruak a, kum 18-40 inkâr, rawngbâwl tûr inpe duh tân dîl theih a ni. Dîltu chuan Kohhran lehkhah leh thiamna Certificate thil tel tûr a ni e. Hlawh chu Synod Pay Scale zui a ni ang.

Hna Hming	Qualification	Post
1. Medicine Specialist	MD	1
2. Medical Officer	MBBS	2

Dîl theih hun chhûng: Ni 10.12.2013 thleng

Interview hun: Ni 13.12.2013 (Friday) 11:00AM

Interview-na hmun: Synod Hospital, Durtlang

Sd/- Dr. Vanlalruata
Director
Synod Hospital

SYNOD-IN MISSIONARY 147 A LA THAR

Synod Mission Board (SMB) chuan kum 2014 chhûng atân missionary 146 a la thar. Ring lote hnêna Pathian thu hrilh hna (direct evangelism) lama chak zâwka hma lâk tûr Synod-in a rêl tawh angin tûn tuma missionary lâk zîngah hian Evangelist an tam ber a, Evangelist-te hi kohhran ding tawh sa enkawl tûr leh ring lote hnêna Isua Krista Chanchin Tha hrilhthu tûr ngaih an ni tlângpui. Missionary-a lâk thar zînga a tam ber dawttu chu Ramthar Sikul hrang hranga zirtirtu hna thawk tûr, Evangelist Teacher an ni. Tûn tuma missionary lâk dân chu hetiang hi a ni:

1. Evangelist	...	77
2. Evangelist Teacher	...	54
3. Staff Nurse	...	9
4. Health Worker	...	5
5. Craft Teacher	...	2
An vaiin	...	147

Missionary hna dîl hi an vaiin 237 an ni a, dîltu zînga 147 hi hmeichhia an ni a, mipa 90 an ni. Mission rawngbâwl hmun hrang hrang mamawhna thlîrin mi 147 lâk an

ni a, lâk zîngah hna zawm thei lo an awm thu hlaa koh theih tûr ngaih (Panel List) siam a ni a, mi 32 dah an ni. Panel List hi Board-in interview a koh leh hma chu nung tûr tih a ni bawh.

Missionary lâk thar zînga 10 chu Master degree nei (M.A., etc) an ni a, Bachelor degree nei 50 zet an awm bawh. Missionary atâna lâk thar zawng zawngte hian November thla (2013) chhûngin an hna thawh tûr chungchâng zir lâwkna (orientation) an nei a, kum thar January ni 5-ah SMB-in 'Tirh chhuah Inkhâwm' buatsaihin missionary lâk tharte hian an thawhna hmun tûr ruat an pan zui ang. Synod Mission Board hnuaiah hian August thlaa inchhiarnaah khân thawktu 2,163 an awm a, hêng zînga 50 vel hi Mizoram-a Office lam hna thawk an ni a, a bâk zawng chu Mission Field lama thawk an ni. Ramthar rawngbâwl hmasâwnna duhawm tak tak hmuh tûr a awm zêl a; SMB hotute chuan missionary lâk tharte leh tûna mission rawngbâwl hmun hrang hranga thawk mêkte tân tawngtaipui zêl tûrin Kohhran mite a sâwm a ni.

SYNOD HOUSE STYLE LEH MIZO SYNOD FONTS

Synod Literature & Publication Board (SL&PB)-in Synod hminga lehkhahu leh thu zia chî hrang hranga thu ziah dân kalhmang zui tûr, 'Synod House Style' a buatsaih chu ruahman lâwk angin November ni 1, 2013 (Zirtâwpni) chawhnu dân 2:00 khân Synod Conference Centre, Aizâwlah Rev. Lalramliana Pachau, Synod Moderator-in a tlângzarh a; hemi rual hian SL&PB leh PRESCOM tâng kawpin an buatsaih, Mizo tawng chhut nâna remchâng tûr duan 'Mizo Synod Fonts' pawh hman theih tûr peih ngihl a ni a; tlângzarh tel ngihl a ni bawh.

Synod House Style leh Mizo tawng chhutna hawrawp (font)-te hi Mizoram Presbyterian Kohhran Synod website, www.mizoramsynod.org -ah dah a ni a; a soft copy hi thu zia mite tân mahni computer-ah lâk luh (download) theih a ni. A theih chin chinah Synod chhuah lehkhahuahte chuan hêng hi hman tawh tûr ngaih a ni. Tualchhûnga Kohhran, KTP, etc. chanchinbu buatsaihtute pawhin a theih ang ang hman tângkai ni se, tih hi a buatsaihtu lam duh thusâm a ni. A mamawh zual tân Synod House Style bu (hard copy) hi SL&PB Office (Synod Office Ist Floor), Aizâwlah lam theih a ni.

INTHLAN THUCHAH

Mizorama Presbyterian Kohhranin Inthlan chungchâng thuchah (2013) a tihchhuah chu Kohhran chungkaw tinah sem zêl a ni a, mahni kohhran ta tûr la dawng lo chuan Synod Office-ah lam theih a ni e.



RÂL VÊNGTU

Râl Vêngtuin khaw chhak lam a thlir vung vung lai chuan Fimkhura te thianzaho chu râl vên bûkah chuan an han thleng ve râwih a. An panna kawng a chhoh deuh avângin thlansa phûlkaiin an thleng a. Fimkhurate thianzaho chuan kohhran leh ram dinhmun mipui fimkhurna tûr hrilh tûrin Râl Vêngtu chu an ngên a.

Râl Vêngtu chuan, “Kâr hnih khat emaw thla hnih khat vêl emaw leka hausak thut thut theihna lakah hian invêng fimkhur rawh u. An thawh rimnain a phu hauh loh, pumpelh kawng kala in tha tak tak lei thut thut thei te, motor lei thut thut thei te hi hriat tûr an awm nual tawh a. Hêng thilah hian rawngbâwltu thenkhat pawhin an kut an lo tibâl ve ni te pawhin sawi a awm a. Lo fimkhur hle rawh u khai. Ram chhûng politics pawh hi sum hmanga a kal sual theihna lakah invêng fimkhur ang che u,” tiin an fimkhurna tûr thurâwn a lo pe a. Hlawhtling inti takin an kîr leh ta dam dam a.

PATHIAN THU ZIR DUH TAN

Presbyterian Bible School, Mission Veng, Aizawl-ah Session 30-na atân *Certificate in Theology* (C.Th) Admission hawn a ni a. Dîl duhte tân a hnuaia târlan hi hriat tûr a ni e.

Admission form : Office hun chhûngin ₹ 20 a lei theih a ni.

Dîl hun chhûng : December 13, 2013 (Zirtâwpni) tlai dâr 3:00 thleng.

Dîl thei chin : Class VII passed, kum 16 chin, Kohhran dan chhûnga awm.

Interview : 17 December, 2013 (Ningani) zîng dâr 10:00

Class tân hun : 14 January, 2014 (Thawhlehnî)

Zir hun chhûng : January-April, 2014

Zirlai pakhat hnênah Stipend thla tin ₹ 500 pêk a ni ang. Hostel a awm lo.

Hre chiang duh tân Phone No. 8575308007/23174343/2350082 ah zawh theih a ni.

Sd/- Rev. R. Lalengmawia
Principal

www.mizoramssynod.org

KÏP JUBILEE ZAIPÂWL PUI

November 1 (Zirtâwpni) zân khân KÏP General Conference 2014/Diamond Jubilee (Feb. 27 – March 2, 2014), Khawzâwla nghah tûr inbuatsaihna chi khat atân Aizawl khawpui chhûng Presbytery huam chhûnga Bial Zaipâwl-ten Mission Vêngthlang Kohhran Biak Inah a huhovin hla an zir a, hla zir zawhah hian Jubilee T-Shirt tlângzarh nghâl a ni baw. Hla zirnaah hian Bial 38 aţangin Zaipâwl member 828 an tel thei a, hla zirnaah hian Mizoram Synod Choir an tel a, CKÏP hruaituten an uap baw a, Mission Vêngthlang Kohhran Upa eng emaw zâtin an tawiawm baw.

Central KÏP programme duan angin nakum KÏP General Conference/Diamond Jubilee lawmna programme chi khatah Bial Zaipâwl zawng zawng infin khâwm, ‘Jubilee Zaipawl Pui’ tia vuah chu zai tûra beisei an ni a. Aizawl khawpui pân Presbytery-te chuan October thlaa Presbytery Inkhâwmpuia khân a huhovin an lo zir tawh a ni.

Jubilee Zaipâwl Pui hla sak tûr atân hian G.F. Handela hla, “Halleluia Chorus” leh Pu Vânmawia hla “Ram Êng mawi” te thlan a ni a. Bial Zaipâwl infin member hi mi 3000 chuang an ni dâwn. March 1, 2014 (Inrinni) zânah Synod Choir Conductor Pu C. Lalchâmliana kaihhruiin “Ram Êng mawi” rem a ni ang a, hetah hian KÏP member chatuan ram pan tate sûnna hun hman nghâl a ni ang, “Halleluia Chorus” hi March 2, 2014 (Pathianni) chawhnu inkhâwmah Upa Lalthansiam Tochhawng (Ex-Synod Choir Conductor) kaihhruiin rem tûr a ni ang.

Jubilee puala siam T-shirt hi Synod Bookroom lamin an buaipui a, Rs. 280/- man zêl a ni a, a tlângzarh zânah hian Rs. 30,000/- chuang man an hralh nghâl a, Bookroom Branch hrang hrang aţangin hralh chhuah zui nghâl a ni.

SYNOD HOSPITAL, DURTLÂNG SEPTEMBER, 2013 CHHUNGA THILPÊK DAWNTE

I. CHARITY FUND

1. Mamit Kohhran	Rs. 10,000/-
2. Pu Lalnunsanga, Durtlâng Kâwn Vêng	Rs. 500/-
3. Hriphaw Kohhran	Rs. 5,000/-
4. Life Drug Centre, Upper Bazar	Rs. 10,000/-
5. Electric Vêng Kohhran	Rs. 50,000/-
6. Laldikkimi, Chhinga Vêng	Rs. 3,000/-
7. KÏP, Durtlâng Branch	Rs. 5,000/-
8. Pi Ronguri & Fly. Republic Vêngthlang (An pa Pu Lalchungnunga (L) hriatrengna)	Rs. 10,000/-
9. KÏP, Chhinga Vêng East Branch	Rs. 2,500/-
10. Dr. H. Lalrinchana & Fly., Durtlâng	Rs. 5,000/-
11. Lalrinsiam, Electric Vêng	Rs. 100/-
12. New Serchhip Kohhran	Rs. 10,000/-

II THISEN PETE

UNIT PEK ZAT

1. KÏP, Saron Branch	60
2. YMA, Bûngkâwn Branch	52
3. KÏP, Edenthar Branch	27
4. Doordarshan Kendra, Aizawl	37
5. Electric Vêng Kohhran	115
6. KÏP, Luangmual Bial	40

III THIL DANG PETE

1. Andrew Hunlawmawma te nupa, Kolasib Vênglai	Electric Heater
2. Pavalai Pâwl, Châmari Kohhran	Thutthlêng sei 3
3. KÏP, Thênzâwl Field Vêng Br.	Thutthlêngsei 2
4. Bawngkâwn Kohhran	Thutthlêng sei nghenchhan nei leh cushion 2
5. Champhai Vênglai Kohhran Hmeichhia	Rs. 5,000/-
6. Hunthar Kohhran Hmeichhia, Hmunhmeltha	Thutthlêngsei 2

Khawngaihna leh duhsakna avânga kan Lalpa Isua Krista hminga thilpêk min petu zawng zawngte hnênah kan Lalpa Isua Krista hmingin lâwmthu kan sawi tak meuh meuh a ni e.

Sd/-
REV. C. LALBIAKHLUNA
Chaplain, Synod Hospital.

SYNOD REVIVAL SPEAKER LÂK THAR AN NI

Synod Revival Committee-in Kaihhruaina a lo siam tawh angin kum hnih (2014–2015) tâng tûr Synod Revival Speaker lâk thar an ni leh ta. Synod Revival Speaker-a awm duh tân dîlna hun hawn a nih chhûngin mi 108-in dîlna an theh lût a; November 7 & 8 khân dîltute hi kawm (interview) an ni a; SEC-in a lo rêl tawh angin mi 70 lâk an ni. Synod Revival hotute chuan he rawngbâwlnaa dîltu thar eng emaw zât an awm chu Kohhran nung zêl entîrna chi khatah an ngai a, lâwmawm an ti hle.



Tawipui N II Kohhran chuan Dt. 20.9.2013 - 1.10.2013 chhûng khân Lalremruata Sailo, The Shiboeth Team ruaiin camp chhawng thum an nei a, awmni khama tisa leh thlarau ruai te buatsaihin Kohhran ho te an hlim hle.

Champhai Hmunhmeltha Kohhran chuan Sept. 16 - Oct. 2.2013 chhûng khân Doulos Revival Team Speaker Tv. Lalhlenglima Pachau ruaiin camping chhawng hnih leh naupang Lâng Camp an buatsai a. Chhandamna leh harhthama changin Kohhran mipui an hlim hle.

Khawailung Bangla Veng Kohhran chuan T.Upa C.Sapchawna, Remna Palai Team-te ruaiin Sept. 28 - Oct. 5.2013 chhûng khân Crusade an nei a, naupang pual Lâng Camp buatsai a ni baw a, Kohhranhoten an hlawkpui hle.

N.Vanlaiphai Bangla veng Kohhran chuan Dt. 14.Sept.2013 - 1.Oct. 2013 chhûng khân Pu F. Hmingthansanga, Mi Lunggaite Thian Team ruaiin camping chhawng hnih leh Lâng Camp an buatsai a. Dt. 28.9.13 khân Kohhranin Pathian a chawimawi a, Pathian hnathawh ropui tak Kohhranah a thleng.

Champhai Zote Kohhran chuan Dt. 16.9.13 - 7.10.13 chhûng khân Krista Thuhritu Team Speaker Lalhlantluanga ruaiin Chhandamna camping chhawng thum an nei a. Kohhranho an lawm hle.

Suangpuilawn North Kohhran chuan Dt. 20.9.2013 - 10.10.2013 chhûng khân Pu Lallawmzuala Pautu speaker-a hmangin crusade leh camping an nei a. Kohhran hovah harhthama ropui tak a thleng a, Kohhranhoten an hlawkpui hle.

Hriangmun Kohhran chuan Dt. 23.9. - 7.10.2013 chhûng khân Jakob Rosangliana, Kros Thiltitheihna Chhuangtu Team Speaker ruaiin camping chhawng hnih an buatsai a, Kohhranhoten an hlawkpui hle.

N.Vanlaiphai Venglai Kohhran chuan Dt. 14.9. - 6.10.2013 chhûng khân Pu K.Lalthuama, Eliasiba Gospel Team speaker ruaiin camping chhawng thum leh naupang Lâng camp an nei a. Kohhranhoten Thlarau pawl tharna changin a lawmna ruai an buatsai a, an hlim hle.

Lungdai Kohhran chuan Dt. 14 - 22. Sept. 2013 chhûng khân K.Lalawmpuia, Misualte Thian Team ruaiin crusade an nei a, Kohhranho an hlim hle.

Selam Kohhran chuan Dt. 10 - 20.2013 chhûng khân Krista Khawngaiha Dawngtu Team speaker T.Upa TBC Rokunga ruaiin Chhandamna camping chhawng hnih leh Naupang Lâng Camp an nei a. Kohhranhoten an hlawkpui hle.

Tlungvel Venghlun Kohhran chuan Dt. 16 - 27.Sept.2013 chhûng khân Pu K.Lalngaihawma, Mi Lunggaite Thian Team Speaker ruaiin Gospel camping an buatsai a. Ni 28.9.13 (Sat) khân Kohhranin Pathian chawimawina hun hmangin hlim takin ruai an theh.

Saitual North Kohhran chuan Dt. 21.9. - 14.10.2013 chhûng khân Gospel Thunder Team Speaker Pu Lalramliana ruaiin camping chhawng thum leh Naupang Lâng Camp an nei. Pathian chawimawina ruai ropui tak an theh a. Kohhranhoten an hlawkpui hle.

Darlawn Kohhran chuan Dt. 7 - 30.9.2013 chhûng khân Krista Hmangaihte Team Speaker Pu T.Lalrochanga ruaiin camping chhawng li leh naupang Lâng Camp an nei a, Kohhranhoten an hlawkpui hle.

NILAI LEH BEIHRUAL THUPUI BU TIHDIKNA

2013 Nilai leh Beihruual Thupui, December 4, 2013-a zir tura Pathian thu chhiar tura tih pakhat zawk *1 Timothea 14-15* tih kha **1 Timothea 3:14-15** tih tura ni e.

2014 Nilai leh Beihruual Thupui ah tihdik leh tihbelh ngai hetiang a ni:-

1. Phêk i leh ix-a a buatsaihtu hming hmaah **'Rev.'** tih dah tura.
2. A chhûnga thu awmte phêka 2013 tih pahni chu **2014** tih ve ve tura.
3. Bible Sunday Thupui pahniha phêk xxxv 'Pathian thu hrih leh zawm' tih aiah **'Pathian thu hriat leh zawm'** tih tura.
4. Chhuahthu Board Thuchang tiha a buatsaihtu chanchinah hêngte hi târ lan hmaih palh a ni: CMC&H, Vellore-a DPHM a zir (July 1994-May1995); Chaplain, Civil Hospital (2001-2004).

Tihual palhah ngaihdam kan dîl e.

Sd/- Editor, SL&PB

REV. WILLIAM WILLIAMS-A CHANCHIN LAM THEIH

Mizorama Lal Isua Chanchin Tha thlentu hmasa ber, Rev. William Williams-a chanchin, kohhran chhûngkaw tina sem chu chhut hmasakin a daih loh deuh avângin chhut nawn leh a ni a; a duh tân Synod office-ah lam theihin a awm leh tawh. Târ lan tawh angin Mizoram Presbyterian Kohhran Synod chuan Rev. William Williams-a'n Kutbul lui chhuah a lo thlena, chumi hmuna pung khâwmte hnêna Isua chanchin a hrih nî, March 15, 1891 chu Mizorama Chanchin Tha thlen niah a pawm a; nakkum 2014 aţang chuan he nî (March ni 15) hi Synod ni pawimawh (Synod Office chawlh nî) a ni tawh ang.

*"In rilru putzia chu tangka ngaiatna
tel lo ni rawh se, in thil neih chhun
chungahte chuan lungawi rawh u."
Hebrai.13:5*

www.mizoramsynod.org

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tân dil theih a ni leh ta. Dilna Form leh Prospectus te hi Rs 50/- pein office hun chhûngin MTC Office, Mission Vengthlang aţangin lak chhuah theih a ni e.

Dil thei chin : Cl-XII pass chin/ Cl-X pass kum 2 tal zina lamah leh rawngbawlina lama experience nei.

Dil theih ni
hnuhung : January 31, 2014
Written Test : March 4, 2014
Interview : March 6, 2014

Sd/- Principal
MTC, Mission Vengthlang
Ph No. 2310157/2301337

HRIATTIRNA

Synod Multipurpose Training Centre, Mission Vengthlang, Aizawl-ah a hnuia Trade-ah te hian training hawn a ni leh dawn a. Dilna chu a hnuia hming ziaik hnenah hian Kohhran lehkha thil telin theluh theih a ni.

1. Tailoring Mipa - Seat 20
Course 15 Jan. 15 Dec. 2014
2. Tailoring Hmeichhia - Seat 40
Course 15 Jan. 15 Dec. 2014
3. Shoe making Mipa - Seat 5
Course 15 Jan. 15 Dec. 2014

Dil theih hun - December 10, 2013 thleng
Interview hun - December 12.2013
(10:00 am)

Zir tura lak te chu thla tin stipend Rs. 500/- pek an ni ang.

Rev. Zosangliana Colney
Programme Director
Synod Multipurpose Training Centre
Mission Vengthlang, Aizawl.

SÂWMNA

Luipui Kohhran, Silchar Pastor Bial, Cachar Tlângrama mite chuan Dt. 20.12.2013 hian anmahni Biak In sak ngei an hawng dawn a, he hun hmanpui tura hian Pastor leh Missionary lo ni tawh zawng zawng leh Biak In sak nâna tanpuina petu zawng zawngte tel ngei turin an sâwm.

Tualte Kohhran chuan ni 21.12.2013 hian Biak In an hawng dawn a. He hun hmanpui tura hian Tualte Kohhrana lo lawi tawh zawng zawng te an sâwm a. Sawmna dang a hranpaa siam anih loh avângin he sâwmna hi ngai pawimawh turin an ngen.